

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE SANIDADE, SERVIZOS SOCIAIS, FAMILIA, DEPENDENCIA, MAIORES, IGUALDADE E MOCIDADE, O DÍA 21 DE XUÑO 2013 ÁS 13:00 HORAS.

Sendo as trece horas (13:00) do día 21 de xuño de 2013, reúnese en sesión ordinaria convocada ao efecto a Comisión Informativa Permanente de Sanidade, Servizos Sociais, Familia, Dependencia, Maiores, Igualdade e Mocidade, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular

Santiago V. Amor Barreiro

M^a Carmen Verde Leboráns

Grupo municipal socialista

Carmen Fraga Crespo

M^a Isabel González Cancela

Concelleiras/os non adscritas/os

Xosé Anxo Doval Rey

Susana Mallo Redondo

M^a Dolores Fernández Álvarez

Manuel J. Ferreiro Santiago

Alfonso Rey López

Emilio Martínez Carballeira

Ramón García Argibay

Presidente: Don Santiago V. Amor Barreiro

Secretaria accidental: Dona Concepción Vilas Cantelar.

ORDE DO DÍA:

Punto primeiro.- Aprobación, se procede, de actas anteriores.

A acta da sesión de 24 de maio de 2013 resulta aprobada por unanimidade dos membros presentes.

Punto segundo.- Moción das/os concelleiras/os Pilar Candocia, Olalla Alvite, Susana Mayo e Anxo Doval, de declaración institucional contra a discriminación por motivo de orientación sexual e identidade de xénero.

O señor presidente da comisión cede a palabra aos concelleiros propoñentes da moción, intervindo dona **Susana Mallo Redondo** para, substancialmente, dicir que a intención desta moción é aprobar a declaración institucional. Manifesta que sempre é hixiénico e bo que os concellos se impliquen ante os problemas sociais como é o de discriminación por motivo de orientación sexual e identidade de xénero. Indica que no texto da moción xa está expresado o fondo da idea, cuxo resumo sería que apoian o respecto máximo a calquera opción sexual e que o concello de Ames se comprometa a non colaborar con entidades que teñan actitudes homofóbicas e colabore cos centros de ensino, sobre todo no apoio ás alumnas/os que estean pasando por procesos complicados deste estilo.

Polo grupo municipal socialista intervén dona **Isabel González Cancela** para anunciar o voto afirmativo do seu grupo a esta moción.

Intervén o señor presidente da comisión don **Santiago V. Amor Barreiro** para propoñer unha modificación no texto do punto 5, substituíndo “O Concello establecerá, en base aos seus propios recursos e mediante programas de cooperación con outras entidades” por “O Concello promoverá con outras

entidades”, extremo aceptado polos propoñentes da moción.

Tras un breve cambio de impresións o asunto, coa modificación proposta e aceptada, é ditaminado favorablemente por unanimidade dos membros presentes.

E non habendo mais asuntos de que tratar o señor presidente da por rematada a sesión ás trece horas e cinco minutos do día de referencia de todo o que eu como secretaria accidental certifico.